

pus subscripsit Epistolæ Synodicæ hujus Provinciæ ad Leonem, *Theodotus* autem Episcopus Euriæ antiquæ Epiri, est in Conc. Constantinopolitano sub Agapeto & Menna.

PHOTICA Hierocli MS. ¹ Hujus Antistes *Didacus* subscripsit dictæ Epistolæ ad Leonem, ubi mendoſè legitur Phocæ; & *Philippus* alteri ad Hormisdam.

CEPHALENIA Insula Ptolem. lib. 3. cap. 14. vulgò *Cefalonia*. Noë Cepha-Castelli alias Cephaleniæ Episcopus subscripsit Concilio Chalcedonenſi.

PROVINCIA CORINTHI SEU ACHAIÆ.

² CORINTHUS Ptol. lib. 3. cap. 16. vulgò Italis *Corinto* & *Coranto*, Turcis *Germe* teste Leunclavio. *Perigenes* Corinthiorum Episcopus subscripsit Concilio Ephesino, & *Petrus* Epistolæ Synodicæ Achaiæ ad Leonem Imperatorem.

ATHENÆ Ptol. eodem lib. cap. 15. vulgò *Sethines* teste Sophiano. ³ *Dionysius* primus Atheniensis Episcopus dicitur apud Euseb. lib. 3. cap. 4. & *Athanasius* subscripsit dictæ Epistolæ.

PATRÆ Ptolem. eod. lib. cap. 16. vulgò *Patra* Sophiano. *Prostarcus* ab Achaia de Patris subscripsit Concilio Sardicensi, & *Alexander* dictæ Epistolæ Synodali.

ARGOS Ptol. ibid. vulgò *Argo*. *Onesimus* Argorum Helladis Episcopus subscripsit Concilio Chalcedonenſi, & *Thales* dictæ Epistolæ.

MEGALOPOLIS, quæ & Christianopolis Ptolem. ibid. vulgò *Leondari*, teste Sophiano. *Timotheus* hujus civitatis Episcopus subscripsit dictæ Epistolæ.

LACEDÆMON quæ & Sparta Ptolem. ibid. vulgò *Mistira* Sophiano teste. *Hofius* Lacedæmoniorum Antistes subscriptus legitur eidem Epistolæ Synodali.

⁴ CORONE Ptolem. ibid. hodie *Coron* vulgò. Ejus Episcopus *Agatocles* Concilio Ephesino subscripsit, & *Aphobius* eidem Epistolæ.

HELICE Ptol. ibid. vulgò *Niora* Molano teste. *Dionysius* hujus Episcopus subscripsit Concilio Sardicensi.

TEGEA Ptol. ibid. vulgò *Muchli* Nigro. *Orphelinus* hujus civitatis Antistes subscripsit Concilio Chalcedonenſi.

MESENE, Mesena Ptolem. ibid. vulgò *Meseniga* teste Nardo. *Joannes* hujus Ecclesiæ Episcopus dictæ Epistolæ subscripsit.

⁵ NAUPACTUS Ptolem. eod. lib. cap. 15. hodie *Lepanto*. *Calicrates* Naupacti Episcopus subscripsit Concilio Ephesino.

OREUM, Soreus Ptolem. ibid. vulgò *L' Orio* Sophiano. *Theophilus* Orei Episcopus subscripsit Concilio Chalcedonenſi.

PORTHMUS Notitiæ antiquæ Hieroclis, Propontus etiam dicitur in Conciliis, vulgò *Portmo*. *Athanasius* Proponti Episcopus legitur in dicta Epistola, & *Theodorus* Porthmi in Concilio Constantinopolit. gener. V.

CARYSTUS Ptolem. ibid. *Caristo* etiam hodie Sophiano. *Ciriacus* Carystenus Episcopus subscripsit dictæ Epistolæ.

MA-

NOTÆ LUCE HOLSTENII.

¹ Hujus Antist. *Didacus* [subsc. d. Ep. ad Leon. &c. & *Philippus* alteri ad Hormisdam] *Philippus* hic Phoenicenis fuit Episcopus. *Hilarius* autem Photices ibidem subscripsit.

² *Corinthus* [Joannem Corinthiorum Episcopum commemorat S. Greg. M. [Petrus Ep. Synod. Achaie ad Leon. Imper.] & passim Concilio Chalcedonenſi.

³ *Dionys. l. Athen. Episc. dicitur apud Euseb. lib.*

3. cap. 4.] & *Publius* ejusque successor *Quadratus* apud Hieronymum lib. de Script. Eccles. cap. 19. Apostolorum temporibus proximi ex Euseb. Hist. Eccl. lib. 4. cap. 23.

⁴ *Corone* &c. [Koravias Episcopus vocatur *Agathocles*, quam Boetia esse puto, atque ita ab Hierocle cognominatus. Ab ea diversa est non solum situ, sed & nomine Κορώνη Peloponnesi.

⁵ *Naupactus* &c. [Irenaus Chalcedonenſi adfuit.]